



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ
ՔՆՆՈՂ ԱՆՁ**

ք. Երևան

11.05.2018թ.

Ո Ր Ո Շ ՈՒ Մ

«Հ գնումների հետ կապված բողոքներ

քննող անձի

թիվ ՍՑ-ԷՍ-2018/40

«Հ գնումների հետ կապված բողոքներ քննող անձը (այսուհետ՝ նաև Բողոքներ քննող անձ)՝ ուսումնասիրելով Հայաստանի Հանրապետության ֆինանսների նախարարության կողմից 16.04.2017թ. թիվ 03/26-3/6930-18 գրությամբ «ՎԱՆԴԻՍ» ՍՊԸ-ին (ՀՎՀՀ 02705726) (այսուհետ՝ նաև Ընկերություն) գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով նախաձեռնված ընթացակարգով ներկայացված հիմքերը, պարզեց հետևյալը.

1. ՀՀ ֆինանսների նախարարության ներկայացրած փաստերը և պահանջը.

«Հ ֆինանսների նախարարությունը, «ՀՀ դատական դեպարտամենտ» ՊԿՀ-ի 07.04.2018թ. թիվ ԴԴ-3-Ե2338 գրության հիման վրա, 16.04.2018թ. «ՎԱՆԴԻՍ» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով նախաձեռնել է ընթացակարգ՝ Բողոքներ քննող անձին ներկայացնելով համապատասխան հիմքեր:

2. «ՀՀ դատական դեպարտամենտ» ՊԿՀ-ի ներկայացրած փաստարկները և դիրքորոշումը.

«ՀՀ դատական դեպարտամենտ» ՊԿՀ-ն 07.04.2018թ. թիվ ԴԴ-3-Ե2338 գրությամբ դիմել է ՀՀ ֆինանսների նախարարությանը՝ հայտնելով հետևյալը.

«Ձեզ եմ ներկայացնում «ՀՀ դատական դեպարտամենտ» ՊԿՀ-ի կարիքների համար համակարգչային և պատճենահանման սարքավորումների և օժանդակ նյութերի ձեռքբերման նպատակով կազմակերպված ԴԴ-ԳՀԱՊՁԲ-18/05 ծածկագրով գնանշման հարցման ձևով գնում կատարելու ընթացակարգի շրջանակներում «ՎԱՆԴԻՍ» ՍՊԸ-ի տվյալները՝ համապատասխան հիմքերով:»:

Ընթացակարգի քննության նպատակով տեղի ունեցած նիստերին մասնակցում էր «ՀՀ դատական դեպարտամենտ» ՊԿՀ-ի ներկայացուցիչ Զառա Աբգարյանը:

3. «ՎԱՆԴԻՍ» ՍՊԸ-ի ներկայացրած փաստարկները և դիրքորոշումը.

«ՎԱՆԴԻՍ» ՍՊԸ-ն 19.04.2018թ. գրությամբ Բողոքներ քննող անձին է ներկայացրել գրավոր դիրքորոշում, որով հայտնել է հետևյալը.

««ՎԱՆԴԻՍ» ՍՊԸ-ն մասնակցել է «ՀՀ դատական դեպարտամենտ» ՊԿՀ-ի (այսուհետ՝ նաև պատվիրատու) ԴԴ-ԳՀԱՊՁԲ-18/05 ծածկագրով գնանշման հարցման ընթացակարգին, 1-ից 11-րդ և 13-րդ չափաբաժինների մասով:

26.03.2018թ. «ՎԱՆԴԻՍ» ՍՊԸ-ն info@armeps.am էլեկտրոնային հասցեից ԴԴ-ԳՀԱՊՁԲ-18/05 ծածկագրով ընթացակարգի գնահատող հանձնաժողովի կողմից ստացել է ծանուցում առ այն, որ ԴԴ-ԳՀԱՊՁԲ-18/05 ծածկագրով ընթացակարգին ներկայացված հայտերի գնահատման արդյունքում 11-րդ չափաբաժնի մասով հանձնաժողովի կողմից 1-ին տեղ զբաղեցնող մասնակից է ճանաչվել «ՎԱՆԴԻՍ» ՍՊԸ-ն և որպես 1-ին տեղ զբաղեցրած մասնակից՝ պարտավոր է սույն ծանուցումը ստանալուց հետո հրավերով սահմանված ժամկետում և կարգով ներկայացնել ընթացակարգի հրավերի 2-րդ մասի՝ ընթացակարգի հայտը պատրաստելու հրահանգի 3-րդ կետով նախատեսված փաստաթղթերը:

«ՎԱՆԴԻՍ» ՍՊԸ-ն վերը նշված պարտավորությունը կատարել է սահմանված կարգով և սահմանված ժամկետում, այն է՝ 28.03.2018թ. ժամը 10:38-ին էլեկտրոնային նամակով՝ ԴԴ-ԳՀԱՊՁԲ-18/05 ծածկագրով ընթացակարգի հայտը պատրաստելու հրահանգի 3-րդ կետով նախատեսված փաստաթղթերը ուղարկել է ԴԴ-ԳՀԱՊՁԲ-18/05 ծածկագրով հրավերում նշված՝ ddgnumner@mai.ru էլեկտրոնային հասցեին:

Հաշվի առնելով վերոգրյալը «ՎԱՆԴԻՍ» ՍՊԸ-ն հայտնում է, որ ԴԴ-ԳՀԱՊՁԲ-18/05 ծածկագրով ընթացակարգի շրջանակներում թույլ չի տվել որևէ խախտում, և որ պատվիրատուին նախատեսված փաստաթղթերը օրենքով սահմանված ժամկետում ուղարկվել են սահմանված կարգով, և դրանց պատվիրատուին չհասնելը տեխնիկական անկանխատեսելի խնդրի արդյունք են եղել: «ՎԱՆԴԻՍ» ՍՊԸ-ն նաև հայտնում է, որ չի հրաժարվում գնման գործընթացին հետագա մասնակցությունից և անհրաժեշտության դեպքում պատրաստական է կնքել ԴԴ-ԳՀԱՊՁԲ-18/05 ծածկագրով ընթացակարգով նախատեսվող պայմանագիրը 11-րդ չափաբաժնի մասով և բարեխղճորեն կատարել պայմանագրով նախատեսված մատակարարումները ըստ վերոնշյալ պայմանագրի ժամանակացույցի:

Ընթացակարգի քննության նպատակով տեղի ունեցած նիստերին մասնակցում էին «ՎԱՆԴԻՍ» ՍՊԸ-ի ներկայացուցիչներ Վան Մուրադյանը և Սարգիս Ահարոնյանը:

4. ՍՑ-ԷՍ-2018/40 ընթացակարգի քննության համար էական նշանակություն ունեցող փաստերը, Բողոքներ քննող անձի հիմնավորումները և եզրահանգումը.

Բողոքներ քննող անձն ուսումնասիրել է ՀՀ ֆինանսների նախարարության 16.04.2017թ. թիվ 03/26-3/6930-18 գրությունը, «ՀՀ դատական դեպարտամենտ» ՊԿՀ-ի 07.04.2018թ. թիվ ԴԴ-3-Ե2338 գրությունը և կից փաստաթղթերը, ԴԴ-ԳՀԱՊՁԲ-18/05 ծածկագրով գնանշման հարցման ընթացակարգի հրավերը (այսուհետ՝ նաև Հրավեր), ԴԴ-ԳՀԱՊՁԲ-18/05 ծածկագրով գնանշման հարցման ընթացակարգի գնահատող հանձնաժողովի (այսուհետ՝ Հանձնաժողով) 23.03.2018թ. ժամը 10:00 նիստի թիվ 2 և 03.04.2018թ. ժամը 10:00 նիստի թիվ 3 արձանագրությունները, «ՎԱՆԴԻՍ» ՍՊԸ-ի

կողմից 19.04.2018թ. ներկայացված գրավոր դիրքորոշումը, Ընկերության կողմից ներկայացված հայտի պատճենը.

«ՀՀ դատական դեպարտամենտ» ՊԿՀ-ի կարիքների համար՝ համակարգչային և պատճենահանման սարքավորումների և օժանդակ նյութերի ձեռքբերման նպատակով կազմակերպված ԴԴ-ԳՀԱՊՁԲ-18/05 ծածկագրով գնանշման հարցման ընթացակարգին մասնակցության հայտ է ներկայացրել «ՎԱՆԴԻՍ» ՍՊԸ-ն:

Ընկերությունը Ընթացակարգին մասնակցելու նպատակով ներկայացված հայտի՝

- N 3 հավելվածով՝ ընթացակարգին մասնակցելու նպատակով հրավերով սահմանված որակավորման չափանիշների պահանջներին բավարարելու մասին հայտարարությամբ, հայտարարել և հավաստել է, որ բավարարում է ԴԴ-ԳՀԱՊՁԲ-18/05 ծածկագրով գնանշման հարցման հրավերով սահմանված որակավորման չափանիշներին:

- N 4 հավելվածով՝ առաջարկվող ապրանքի՝ հրավերով նախատեսված տեխնիկական բնութագրերին համապատասխանության մասին հայտարարությամբ, հայտարարել և հավաստել է, որ ԴԴ-ԳՀԱՊՁԲ-18/05 ծածկագրով գնանշման հարցմանը մասնակցելու նպատակով իր կողմից ներկայացված մասնակցության դիմումում նշված չափաբաժնի (չափաբաժինների) մասով առաջարկվող ապրանքի (ապրանքների) տեխնիկական բնութագրերը համապատասխանում են նույն հրավերի համապատասխան չափաբաժնում (չափաբաժիններում) ապրանքի (ապրանքների) տեխնիկական բնութագրի պահանջներին: Նույն հայտարարությամբ Ընկերությունը պարտավորվել է առաջին տեղն զբաղեցրած մասնակից ճանաչվելու դեպքում ԴԴ-ԳՀԱՊՁԲ-18/05 ծածկագրով գնանշման հարցման հրավերով սահմանված կարգով և ժամկետներում ներկայացնել իր կողմից առաջարկվող ապրանքի (ապրանքների) անվանումը, ապրանքային նշանը, արտադրողը, ծագման երկիրը և տեխնիկական բնութագրերը (ապրանքի ամբողջական նկարագիր):

Հանձնաժողովը 23.03.2018թ. ժամը 10:00-ին կայացած նիստի թիվ 2 արձանագրության՝

- 5-րդ կետով արձանագրել է, որ «ՎԱՆԴԻՍ» ՍՊԸ-ի կողմից ներկայացված հայտը կազմված է հրավերով սահմանված պայմաններին համապատասխան և ներկայացված հայտը գնահատել է բավարար:

- 8-րդ կետով որոշել է 11-րդ չափաբաժնի մասով առաջին տեղն զբաղեցրած մասնակից ճանաչել «ՎԱՆԴԻՍ» ՍՊԸ-ին:

Նույն արձանագրությամբ Հանձնաժողովի քարտուղարին հանձնարարվել է ծանուցել առաջին տեղը զբաղեցրած մասնակիցներին՝ առաջարկելով երեք աշխատանքային օրվա ընթացքում մինչև 29.03.2018թ. ներառյալ, ներկայացնել Կարգի 32-րդ կետի 1-ին ենթակետի «զ» պարբերությամբ նախատեսված փաստաթուղթը՝ առաջարկվող ապրանքի ամբողջական նկարագիրը:

«ՀՀ դատական դեպարտամենտ» ՊԿՀ-ն 26.03.2018թ. թիվ ԴԴ-3-Ե-2020 գրությամբ «ՎԱՆԴԻՍ» ՍՊԸ-ին ուղղված ծանուցմամբ հայտնել է հետևյալը.

«ԴԴ-ԳՀԱՊՁԲ-18/05 ծածկագրով գնանշման հարցման ձևով գնում կատարելու ընթացակարգով «ՀՀ դատական դեպարտամենտ» ՊԿՀ-ի կարիքների համար՝ համակարգչային և պատճենահանման սարքավորումների և օժանդակ նյութերի ձեռքբերման նպատակով հայտարարված գնման ընթացակարգի հանձնաժողովի 23.03.2018թ. որոշմամբ 11-րդ չափաբաժնի մասով առաջին տեղն զբաղեցրած մասնակից ճանաչել «ՎԱՆԴԻՍ» ՍՊԸ-ն:

Ղեկավարվելով ՀՀ կառավարության 04.05.2017թ. N 526-Ն որոշման «Գնումների գործընթացի կազմակերպման» կարգի 43-րդ կետի 4-րդ ենթակետով՝ առաջարկում ենք երեք աշխատանքային օրվա ընթացքում՝ մինչև 29.03.2018թ. ներառյալ, ԴԴ-ԳՀԱՊՁԲ-18/05 ծածկագրով գնանշման հարցման հրավերի ՄԱՍ II-ի 3-րդ բաժնով՝ «ԱՌԱՋԻՆ ՏԵՂԸ ԶԲԱՂԵՑՐԱԾ ՄԱՍՆԱԿՑԻ ԿՈՂՄԻՑ ՆԵՐԿԱՅԱՑՎՈՂ ՓԱՍՏԱԹՂԹԵՐԸ», սահմանված կարգով ներկայացնել Կարգի 32-րդ կետի 1-ին ենթակետի «զ» պարբերությամբ նախատեսված փաստաթուղթը՝ առաջարկվող ապրանքի ամբողջական նկարագիրը:»:

Հանձնաժողովը 03.04.2018թ. ժամը 10:00-ին կայացած նիստին թիվ 3 արձանագրությամբ արձանագրել է, որ «ՎԱՆԴԻՍ» ՍՊԸ-ն սահմանված ժամկետում չի ներկայացրել Կարգի 32-րդ կետի 1-ին ենթակետի «զ» պարբերությամբ նախատեսված փաստաթուղթը՝ առաջարկվող ապրանքի ամբողջական նկարագիրը:

Նույն արձանագրությամբ Հանձնաժողովը՝ հիմք ընդունելով Կարգի 43-դ կետի 4-րդ ենթակետը, որոշել է մերժել «ՎԱՆԴԻՍ» ՍՊԸ-ի ներկայացարած հայտը:

Ընթացակարգի քննության նպատակով տեղի ունեցած նիստի ժամանակ Ընկերության ներկայացուցիչը Բողոքներ քննող անձին հայտնեց, որ պահանջվող փաստաթղթերը 28.03.2018թ. ժամը 10:38-ին էլեկտրոնային նամակով ուղարկել է ԴԴ-ԳՀԱՊՁԲ-18/05 ծածկագրով հրավերում նշված՝ ddgnumner@mai.ru էլեկտրոնային հասցեին և նամակի Պատվիրատուին չհասնելը տեխնիկական անկանխատեսելի խնդրի արդյունք է, սակայն այն ուղարկելու փաստը հիմնավորող որևէ ապացույց չներկայացրեց:

Պատվիրատուի ներկայացուցիչը Բողոքներ քննող անձին հայտնեց, որ սահմանված կարգով և ժամկետում «ՎԱՆԴԻՍ» ՍՊԸ-ի կողմից պահանջվող փաստաթղթերը չեն ներկայացվել:

«Գնումների մասին» ՀՀ օրենքի (այսուհետ՝ նաև Օրենք)՝

- 2-րդ հոդվածի՝ 23-րդ կետի համաձայն՝ գնման գործընթացը գնում կատարելու նպատակով գնումների մասին Հայաստանի Հանրապետության օրենսդրությամբ նախատեսված ընթացակարգերի, իրավունքների և պարտականությունների իրագործմանն ուղղված գործողությունների ամբողջությունն է, ներառյալ գնումների պլանավորումը, գնման առարկայի բնութագրերի հաստատումը, պայմանագրի կատարումը և կառավարումը:

- 6-րդ հոդվածի 1-ին մասի 6-րդ կետի «ա» ենթակետի համաձայն՝ մասնակիցն ընդգրկվում գնումների գործընթացին մասնակցելու իրավունք չունեցող մասնակիցների ցուցակում, եթե խախտել է պայմանագրով նախատեսված կամ գնման գործընթացի շրջանակում՝ ստանձնած պարտավորությունը, որը հանգեցրել է պատվիրատուի կողմից պայմանագրի միակողմանի լուծմանը կամ գնման գործընթացին տվյալ մասնակցի հետագա մասնակցության դադարեցմանը;

- 6-րդ հոդվածի 2-րդ մասի համաձայն՝ գնումների գործընթացին մասնակցելու իրավունքից զրկված մասնակցի վերաբերյալ ունեցած տեղեկությունների հիման վրա լիազորված մարմինը պաշտոնական ընթացակարգ է նախաձեռնում գնումների բողոքարկման խորհրդում՝ առանց վճարի: Տվյալ մասնակցի կարծիքը լսելուց հետո գնումների բողոքարկման խորհուրդը որոշում է կայացնում մասնակցին նույն հոդվածով նախատեսված ցուցակում ընդգրկելու վերաբերյալ: Անձը նշված ցուցակում ընդգրկվում է երկու տարի ժամկետով:

- 34-րդ հոդվածի 1-ին մասի համաձայն՝ հայտերը գնահատվում են հրավերով սահմանված կարգով: Բավարար են գնահատվում հրավերով նախատեսված պայմաններին համապատասխանող հայտերը, հակառակ դեպքում հայտերը գնահատվում են անբավարար և մերժվում են:

- 34-րդ հոդվածի 5-րդ մասի 1-ին կետի համաձայն՝ առաջին և հաջորդաբար տեղերը զբաղեցրած մասնակիցներին որոշելուց հետո հրավերով սահմանված ժամկետում՝ առաջին տեղը զբաղեցրած մասնակիցը հանձնաժողովին է ներկայացնում իր՝ գնումներին մասնակցելու իրավունքը և հրավերով նախատեսված որակավորման չափանիշներին համապատասխանությունը հիմնավորող՝ հրավերով նախատեսված փաստաթղթերը (տեղեկությունները):

- 34-րդ հոդվածի 6-րդ մասի համաձայն՝ հայտը գնահատվում է բավարար, եթե նույն հոդվածի 5-րդ մասի համաձայն ներկայացված տվյալները բավարարում են հրավերով սահմանված պահանջները:

- 34-րդ հոդվածի 7-րդ մասի համաձայն՝ նույն հոդվածի 6-րդ մասի համաձայն՝ գնահատման արդյունքում հայտը անբավարար գնահատվելու դեպքում հանձնաժողովը փաստաթղթերը ներկայացնելու պահանջ է առաջադրում հաջորդ տեղն զբաղեցրած մասնակցին:

ՀՀ կառավարության 04.05.2017թ. N 526-Ն որոշմամբ հաստատված «Գնումների գործընթացի կազմակերպման» կարգի (այսուհետ՝ Կարգ)՝ 43-րդ կետի 4-րդ ենթակետի համաձայն՝ հայտերի բացման նիստի ավարտին հաջորդող աշխատանքային օրը հանձնաժողովի քարտուղարն էլեկտրոնային եղանակով ծանուցում է առաջին տեղն զբաղեցրած մասնակցին՝ առաջարկելով երեք աշխատանքային օրվա ընթացքում ներկայացնել որակավորման չափանիշները հիմնավորող՝ հրավերով նախատեսված փաստաթղթերը, բացառությամբ նույն կարգով նախատեսված դեպքերի, ապրանքների գնման դեպքում նաև նույն կարգի 32-րդ կետի 1-ին ենթակետի «գ» պարբերությամբ նախատեսված փաստաթուղթը, իսկ բանկային երաշխիքի ձևով ներկայացված հայտի ապահովման բնօրինակը՝ կից գրությամբ: Նույն մասով սահմանված ժամկետում փաստաթղթեր ընդհանրապես չներկայացվելու դեպքում հանձնաժողովը հայտերի գնահատման նիստում մերժում է առաջին տեղն զբաղեցրած մասնակցի հայտը և

փաստաթղթեր ներկայացնելու պահանջ է ներկայացնում հաջորդաբար տեղը զբաղեցրած մասնակցին:

Հրավերի 7.13 կետի 4-րդ ենթակետի համաձայն՝ Հանձնաժողովի քարտուղարը հայտերի բացման նիստի ավարտին հաջորդող աշխատանքային օրը՝ համակարգի միջոցով առաջին տեղը զբաղեցրած մասնակցին ուղարկում է ծանուցում՝ առաջարկելով ծանուցումն ուղարկելու օրվանից երեք աշխատանքային օրվա ընթացքում էլեկտրոնային փոստի միջոցով ներկայացնել հայտով առաջարկված ապրանքի (ապրանքների) ամբողջական նկարագիրը: Նույն ենթակետով սահմանված ժամկետում ապրանքի ամբողջական նկարագիրը ընդհանրապես չներկայացվելու դեպքում հանձնաժողովը հայտերի գնահատման նիստում մերժում է առաջին տեղը զբաղեցրած մասնակցի հայտը և նույն նիստում հանձնաժողովը առաջին տեղը զբաղեցրած մասնակցից է ճանաչում հաջորդաբար տեղ զբաղեցրած մասնակցին՝ կիրառելով սույն հրավերի 1-ին մասի 7.13-ից 7.21-րդ կետերով սահմանված ընթացակարգը:

Բողոքներ քննող անձն արձանագրում է, որ Պատվիրատուի կողմից համակարգի միջոցով ոչ ավտոմատ եղանակով «ՎԱՆԴԻՍ» ՍՊԸ-ին ուղարկվել է Ընթացակարգի հրավերով սահմանված ժամկետում որակավորման պահանջներին համապատասխանությունը հիմնավորող փաստաթղթերը ներկայացնելու վերաբերյալ համապատասխան ծանուցումը, սակայն պահանջվող փաստաթղթերը վերջինիս կողմից սահմանված ժամկետում չեն ներկայացվել:

Բողոքներ քննող անձը գտնում է, որ «ՎԱՆԴԻՍ» ՍՊԸ-ն՝ Հրավերով սահմանված ժամկետում որակավորման պահանջներին համապատասխանությունը հիմնավորող փաստաթղթերը չներկայացնելով՝ խախտել է Օրենքի 34-րդ հոդվածի 5-րդ մասի 1-ին կետով, Կարգի 43-րդ կետի 4-րդ ենթակետով, ինչպես նաև Հրավերի 7.13 կետի 4-րդ ենթակետով սահմանված պահանջներն, ինչը հանգեցրել է գնման գործընթացին տվյալ մասնակցի հետագա մասնակցության դադարեցմանը:

Այսպիսով, Բողոքներ քննող անձը գտնում է, որ «ՎԱՆԴԻՍ» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու համար առկա են Օրենքի 6-րդ հոդվածի 1-ին մասի 6-րդ կետի «ա» ենթակետով նախատեսված հիմքերը:

Ելնելով վերոգրյալից և ղեկավարվելով «Գնումների մասին» ՀՀ օրենքի 6-րդ հոդվածի՝ 1-ին մասի 6-րդ կետի «ա» ենթակետով, 2-րդ մասով, 50-րդ հոդվածի 7-րդ մասի 2-րդ կետով՝ ՀՀ գնումների հետ կապված բողոքներ քննող անձը

Ո Ր Ո Շ Ե Ց

1. ՀՀ ֆինանսների նախարարության կողմից 11.04.2018թ. «ՎԱՆԴԻՍ» ՍՊԸ-ին (ՀՎՀՀ 02705726) գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով նախաձեռնված ընթացակարգը բավարարել:

2. «ՎԱՆԴԻՍ» ՍՊԸ-ին ընդգրկել գնումների գործընթացին մասնակցելու իրավունք չունեցող մասնակիցների ցուցակում՝ երկու տարի ժամկետով:

ՀՀ գնումների հետ կապված բողոքներ քննող անձի ընդունած որոշումն իրավապարտադիր է, որը կարող է փոփոխվել կամ վերացվել, այդ թվում՝ մասնակի, միայն դատարանի կողմից:

ՀՀ գնումների հետ կապված բողոքներ քննող անձի ընդունած որոշումն ուժի մեջ է մտնում այն տեղեկագրում հրապարակելուն հաջորդող օրը:

**ՀՀ գնումների հետ կապված
բողոքներ քննող անձ՝**



ԷՄԻԼ ՍԱՐԳՍՅԱՆ